


Произведения Марии Парначёвой



Ас му вылын

Визувтас мед сӧстӧм ёль моз олӧм,
Тайӧ ёльсьыс нбылшав вежа ва,
Морӧс тырнад апав чӧскыд сынӧд,
Сьӧлӧм бердад шымырт олан пас.

Припев: Нимкодяся гажа кыддза раскӧн,
Кывза колипкайлысь сьыланкыв.
Чӧсмася ме, чӧсмася оз тусьӧн.
Вӧр-валӧн оз быр мед озырлун.

Ас му вылын шуда ола-выла,
Ас му йылысь гижа сьыланкыв.
Чужан мулӧн мичлун мед оз кусав,
Енэж вӧлі шондіа быд лун.
Припев.

Дзордзав жӧ, муса чужан муӧй,
А ме тэныд сьыла сьыланкыв.
Сьӧлӧм руӧй, тэын менам шудӧй,
Чужаніӧй сетӧ меным вын.

Сиктса ань

Сиктын олӧ лӧня коми ань.
Ломтӧ пач да кӧтӧ чӧскыд нянь.
Пельк да шуда Варук сиктса ань -
Сибыд, мелі, тӧлка, варов, шань.

Припев: Окма, лӧсьыд на,
Сьыла на да йӧкта на,
Вильыш руа сьӧлӧма,
Шондібанӧй ола на,
Шондібанӧй ола на.

Сиктын олö лöня коми ань.
Ытшкö, куртö, вилав абу вань.
Карта вылын видзö мöс, кукань,
Кильчö водзын куткырвидзö кань.
Припев.

Сиктын олö лöня коми ань.
Ылькйöн пуö олöм, ставыс шань.
Пельк да шуда Варук сиктса ань
Тэрыб, быттьö чая кока чань.
Припев.

Матушка-земля

Коми земля, край берёз и сосен,
Озёр голубых, бескрайних лесов.
Коми земля, край иван-чая, ромашек,
Соловьиный рассвет, малиновый рай.

Припев: Матушка-земля – царица красок лета.
Мелодия любви льётся из ручьёв.
Матушка-земля, лейся звонче, песня,
Радуй, пой, звени, сердце успокой.

Коми земля – край черёмух душистых,
Лугов заливных, васильковых полей.
Коми земля – край лугов земляничных,
Где багульник цветёт, рябиновый рай.
Припев.

Коми земля - край любимый навеки,
Здесь корни мои, отчий мой дом.
Коми земля - нет красивей на свете,
Где коми живёт дружной семьёй.
Припев.

Кытчö и кольöма
Челядьдыр, томкад?
Быттьöкö тöрыт на
Котралі нывка.
Котралі школаö,
Сьылі да йöкті,
Шорлогö котралі
Оз, чöд тусь воті.
Вöлі көть вильыша,
Бать-мам эз нöйтлы,
Машукөн нимтісны,
Омöль эг тöдлы.
Муöдзысь копыртча
Бур бать-мам водзын,
Челядьдыр, томкад
Сьöлөмын видза.

Öдйö тай кадыс
Котöртіс, рöдтіс,
Пöрысьлун матысмис -
Олöма морт нин.
Важөн нин абу
Ас чужан гортын.
Думъясөн, сьöлөмөн
Дерт Кебра сиктын.
Ас чужан сиктыд тай
Медся на муса,
Ас чужан муыд тай
Медся на мича.
Дзоридзав, Кебра му,
Сьöлөмшөр менам,
Шогын и радлунын
Нылукыд тэнад.

Шондібанöй олөмөй

Шондібанöй, олан гажöй
Менам радлун, сьөлөмшөр,
Коми муöй, чужанінöй,
Сьылам, йөктам тэкөд тшөтш.

Сьылтас: Ик – ик – ик да ок – ок – ок,
Ворсө гудөк, йөктө кок.
Радлө сьөлөм, чик да чок,
Дзиркнясьö со гөгөрбок.

Сандра, Марья, Акулина,
Марпа, Дарья, Ефросинья,
Öмимдз тусь кодъ сиктса нывъяс,
Чуксалöй жө удал зонъяс!
Сьылтас.

Иван, Матвей, Василей,
Мирон, Егор, Тимофей,
Чожа нолтö эновт удж,
Сьылам, йөктам микөд здук.
Сьылтас.

Сө майбырöй олөманöй,
Сиктъяс, грездъяс шызьөдамö.
Нывъяс, зонъяс вöчам кытш,
Коллям кыпыда ми рыт.
Сьылтас.

Чужан му

Шывгö-усьö ньөжйö лым,
Небыдик, дзик гөн кодъ.
Ывла шоньд, төвру чир,
Гортад он и пыр көть.

Оз вөр весиг пулөн ув,
Со тай пышкай ворсö.
Лэдзö ув вылысь со лым
Тэрыб, дзоля кокнас.

Потшöс вылын тшап да збой
Пукалö со катша,
Юрсö лэптöм, оз тай пов,
Кöть и матын Катшыс.

Пач трубаысь труньгö тшын,
Öвтö чöскыд дукөн.
Ывла шондіа да лöнь,
Нимкодъ, он пыр здукөн.

Сьölöм вылын кокни мем,
Ставыс сэтшöм муса,
Нинöм вылö ме ог веж
Чужан мулысь мичсö.

Чужан кыв

Коми муыд, вокö,
Медся на жö муса.
Коми кывйыд, чойö,
Медся на жö мича.

Тайö кыв мем дона,
Тöждысьысь бур бать кодъ.
Тайö кывйыд, зонмö,
Менам муса мам кодъ.

Чужан кывйысь некор
Некөн тэ эн яндысь.
Мичаа да гора
Коми кывйөн сёрнит.

Коми кывтö водзö
Сöвмöдны пыр колö,
Посни челядь ёнджык
Чужан кыв мед тöдö.

Зараза

Килля семечки ме чожа,
Вомыд мудзтö тай оз тöд.
Пиньыд майбыр изö-изö,
Сöмын толькö лöд да лöд.
Уджыд эськö юрвыв тырöн,
Сьöлöм вылын весиг шог.
И öлсьыны некыдз ог вермы,
Кöть петö ас вылö нин лөг.
Кыськö кывлі татшöм шусьöг:
Семечкиысь содö тöлк.
Ог куж шуны, збыль ли сідзи,
Но весьшөрö тай колис кад
Пока килли - тэчи кывбур,
Ог тöд кызди, бур ли дур:
Öтикö тай кывйыв пыктіс,
Мöд кө лыдди, петіс нюм.

Коми муöй, сьöлöм руöй

Коми муöй, матушкаöй,
Татшöм мусö ме ог тöд.
Тан ме чужи, тан ме быдми,
Тані менам чужан горт.
Коми муöй, матушкаöй,
Татшöм мусö ме ог тöд.

Коми муöй, шондібанöй,
Тэысь мусасö ог тöд.

Тан ме шуда, тан ме колан,
Шуда тані коми йӧз.
Коми муӧй, шонді банӧй,
Тэысь мусасӧ ог тӧд.

Коми муӧй, сьӧлӧмшӧрӧй,
Мича тэнад чужӧмбан.
Гажа вӧр-ва, паськыд видзьяс,
Чӧскыд сынӧд, любӧ став.
Коми муӧй, сьӧлӧмшӧрӧй,
Мича тэнад чужӧмбан.
Копыртча тэд, чужан муӧй,
Сыла тэныд сыланкыв.

Сӧвмы, дзирдав, сьӧлӧм руӧй!
Мӧд му меным оз и ков!
Копыртча тэд, чужан муӧй,
Сыла тэныд сыланкыв!

Земля моя Коми

Родные просторы
Земли моей Коми,
Родные напевы
Любимой земли.
Куполов золотых
Церквей православных
Нет в мире дороже,
Нет в мире милей.

Жемчужина севера,
Край мой берёзовый,
Полей белоснежных,
Бескрайних лесов.
Закатов, рассветов,
Сияния Севера

Нет в мире дороже,
Нет в мире милей.

Коми народ я
В стихах воспеваю,
Дружно живущих
Единой семьёй.

Земли моей Коми,
Земли моих предков
Нет в мире дороже,
Нет в мире милей.

Мамукöй

Ичöтысянь мамö кыв
Быдöнлы меддона.
Медся шань да медся бур
Менам муса мамук.
Припев: Мама, мама, мамукöй,
Лэдз жö менö войпукö.
Козьнав жö мем, мамукöй,
Гöрд дзоридзьяса шаль.

Кöсья мамö, мамукöй,
Лоны шуда нылön.
Дзоридзавны, радейтны
Тайö тувсов рытö.
Припев.

Кöсья мамö, мамукöй,
Аддзыны ме мусукöс:
Сьöлöмаöс, статяöс,
Кыдзи менам батьöй.

Юкмӧс

Пета вала юкмӧс дорӧ,
Босьта карнан, ведра гоз.
Юкмӧс ваысь бурджык абу,
Сыысь чӧскыдтӧ он корсь.
Припев: Кӧдзыд, сӧдз да чӧскыд ва
Черпушка тыр гумовта.
Черпушка тыр гумовта
Да горша горштыр ньылышта.

Чужӧм мысся вежа ваӧн,
Здукӧн содас эбӧс-вын.
Ворсны пондас вирӧй-лолӧй,
Пырысь-пырӧн югзяс син.
Припев.

Сьӧлӧм ыпъялӧ да сьылӧ,
Лунтыр кежлӧ сетӧ шуд.
Копыртча тэд, юкмӧс, муӧдз,
Муӧдз копыр, дона ключ.
Припев.

Самӧвар

Пызан шӧрын самӧвар
Пуӧ-варгӧ, лэдзӧ пар.
Кӧлач, преник, кампет дась,
Пызан чегӧ, чегӧ нач.
Припев: Самӧ-самӧ-самӧвар,
Пуӧ-пуӧ, лэдзӧ пар.
Пуксьы, пуксьы, дона гӧсть,
Чӧскыд чайыд ок и пӧсь.

Ывла вылын кӧдзыд пӧль,
Шонді вылад сійӧ гӧль.
Ки-кок чеплялӧ, зэв скӧр
Еджыд, еджыд, еджыд пӧль.

Припев.

Сё майбырой, оломой,
Кампет, преник сёйёмой.
Шоньд, сөстөм керкаой,
Шуда, гажа оломой.

Тулыс

Тувсов шонди лымсө сёйө,
Чинө-бырө төвлөн вын.
Тувсов шонди югөр койө,
Гажа тулыс восьтө син.
Припев: Сьөлөм вылын бара тулыс,
Сьөлөм шөрын бара дой.
Сьөлөм вылын бара югыд,
Ворсө сьөлөмын любовь!

Пельпом вылө шаль ме чөвта,
Ывла вылын гудөк шы.
Нывъяс бөрся чожа вөтча,
Ылө юргө сьыланкыв.
Припев.

Тулыс, тулыс, мый тэ вөчан?
Дзикөдз вошти узян кад.
Тулыс, тулыс, висьтав стөча:
Мыйысь бергөдчө юр садь?
Припев.

Нывъяс

Визин сиктын, Катыд грездын,
Өлө-зильө уджач йөз.
Оз пов сійө сьөкыдлунысь,
Уджыд сиктад көть во чөж.
Сьылтас: Ок и нывъяс, ок и нывъяс,
Сьылыштам вай йөктыштам.

Ок и нывъяс, ок и нывъяс,
Гажӧдчам вай, шойччыштам.
Визин сиктын, Катыд грездын,
Олӧм пуӧ, сьӧлӧм рад.
Чужӧ челядь, зонпосни быдмӧ,
Сідзкӧ ставлы аслас кад.
Сьылтас.

Визин сиктын, Катыд грездын,
Медся шань да медся бур
Сьылысь-йӧктысь коми аньяс,
Дасьӧсь гажӧдны дзик пыр.
Сьылтас.

[Стихи] / Мария Парначева // Я не знаю другой такой земли : стихи и рассказы самодеят. поэтов и писателей Сысолы. – Визинга, 1999. – С. 50-54.

Базар лун ; Пӧч да телевизор : [стихи] / М.М. Парначева // Маяк Сысолы. – 1999. – 2 марта.

[Стихи] / М.М. Парначева // Визувтас мед сӧстӧм ёль моз олӧм : сб. произведений самодеят. авт. д. Горьковская Сысольского р-на. – Горьковская, 2011. – С. 9-27.